

P497.9

M363m

P 497.9

m 363 m

NE PAUL YEHSKAKOHYAHTONNY

NE ROMANHAHA,

KANYENKEHAKA KAWONNONDAHKON.

NE NEH AHSEH

DESKAWENNATENNYON.

TRANSLATED BY

A. MARTIN, ESQ.

EXPOSITOR STEAM PRINTING HOUSE.

1879.



Faint, illegible text at the top of the page, possibly a title or header.

Faint, illegible text in the upper middle section.

Faint, illegible text in the middle section.

Faint, illegible text in the lower middle section.

Faint, illegible text in the lower section.

Faint, illegible text in the lower section.

Faint, illegible text in the lower section.

Faint, illegible text in the lower section.

Faint, illegible text in the lower section.

Faint, illegible text in the lower section.

A small, dark mark or stamp at the bottom center of the page.

EPISTLE TO THE
ROMANS.

CHAPTER I.

PAUL raonhatsera ne Jesus Christ, karonyenharon Apostle, ne karahgwahton jinonka ne Niyoh ra-o-rihwadogenty,

2 (Ne ne o-hendonh thorharatston neh rohton ne raongweda yehadirihwakens eh-i-wah kak-yadonseradogentigeh,)

3 Ne aorihwageh ne Royen-ah Jesus Christ Shongwayaner, eh rodonny jirawajiradeh ne David tyoyaneniha ne oh-wahron-neh ;

4 Neony raodahsyonh ji nene Niyoh Royen-ah ikene ne kashatstensera, tyoyaneniha ne kanigonrah ne kayadadogentitsera, ji shonatketsgwen ne kenheyatneh

5 Neony raonhageh yongwayen-aonh ne kentenrat neony radirihwenhahs, a-o-rihwa n'adewennarakwentsera jinonka ne dewehdahgon ra-o-dinenragonh nagwegonh ne rononwenjatennyon, a-o-rihwa ne ra-o-sennah :

6 Ne ra-o-dinenragon jonha ony detshisewenhnongon ne Jesus Christ :

7 Jonhageh agwegon ne etho Rome, ehtshisewanoronkwa ne Niyoh, karonyenharon rodiyadadogentiogen ; Kentenrat ne jonhageh neony skennon tyoyendahgwen Niyohne ehtshidewanihha neony ne Royaner Jesus Christ.

8 Tyotyeronton, Iih wathinonwerahton ne ake-Niyoh ra-o-rihhonnyat ne Jesus Christ ne yesewagwegon sewarihwageh, thoi-ken ne sewehdahgwentsera yoderihhowanahton deyaonwenjawerhonh.

9 Iken Niyoh ak-witness, neh riyodenseh ne agenigonragon ra-o-rihwadogentikeh ne Royen-ah, yah dekahtgawas ongwadonh nagwaderennayentseragon :

10 Kerihwanonton, nonwa nen a-ondonh jinithanonwehs ne Niyoh a-ondageh ne jonhageh.

11 Iken dewagadonwenjony nagwahken ne jonha, ne kady ne a-agyon ne othenon ne kanigonra nihtyotyeratonh a-dadawy, ne a-e-senniyadahnriratsteh ne jonha ;

12 Newahhony, nene enskatne a-yongyonwehsahteh sewanenragon ne jonha, a-o-rihhonnyat jityongwehdahgon dejaron n'ise neony Iih.

13 Nonwa yah dehkerheh ne yah tha-e-se-waderyendarakeh dewadadekenogon-ah, ne ne yot-kahte ikereh a-ondageh ne jonhageh, (nok yah tewadons jiniyore nonwa,) ne kady n'akyenah o-tyake ne yeyohyaniyendeh ne sewanenragon ony, ji ony niyught raodinenragon ne thihadihte Gentiles.

14 Iih yonkkarodanyh dejaronh

ne Greeks neony thihononwenjateh, dejaronh ne rontdokha ony ne yahdehontdokha.

15 Jinigon ne Iihne kayondahkwen, wakeweyennendaonh ne enkaderihwanohton Norihwado-kenty ne jonhageh ony ne Rome-ne.

16 Ikenh yahdekadehhens jinonka ne orihwadokkenty : Iken nese ne Niyoh raoshatstensera jinonka ne ka-yahdanonstatsera jiniyadeyagon ne tyagawehdahgon, Jews-haga tyotyrendon nok ony ne Greek :

17 Iken Niyoh ra-o-derihwagwarihsyontsera ehnonwe niyoderihhodahsyon dewehdahkontseragon jinonka ne dewehdahgwen : jiniyoht jikahyahton, ne thoriwayery dewehdahkontserahgon jienhronhegeh.

18 I ken etho yododahsyon ne ra-o-nakwensera ne Niyoh karonhyagonhtyoyendahkwen jinonka nagwegon nyadeyakorihwiyston neony ne yah deyoderihwagwarihsyon nongwehgonke, ne ehdageh ro-nonny ne togensketsera jinonka ne yahdeyoderihwagwarihsyon.

19 Ne wahhonny jinahotonh ne a-yagoderyendarane ne Niyohne okthiyotgwathon ne rononhageh ; Iken Niyoh shagonadonny ne rononha.

20 Iken jinahotenshon ne yah-teyokent ne ra-o-wenk eh tyodahsawen shahahsah ne jiyonwenjateh yokent ne ayontkatho, ne enyondeh ji enyagonikonrayendane jinahoten ne kahson, ne shakat jiniyenhenweh ra-o-shatstensera neony ji Niyoh ikenh ;

ne katy wahonny yah tehodiyenh ne ahadirihwarahkweh ;

21 Neh wahhonny jironwayendery ne Niyoh yah tehonwayonwehsahton ji nene Niyoh neteas ne dah-honatennonhwerahntonkeh : nok wahhadiyahdahntonh ne ra-o-nennontonnyontseragon, neony ne ra-o-neryaneh, yah dewah kanigonhrayendatsera, tyokaraonh :

22 Ronadodahsyon nahont-dokhageh ne ronadonh ne rodideh,

23 Neony wathaditehny ne raonwesentsera ne yah thadaonttehny Niyoh neh deskyatyeron ne wahetkens rongweh, neony jihtenogon-ah, neony kayery nahdegontishinonteh karyo-o-kon, neony kondesereseh.

24 Newahhonny ne Niyoh washakotgaweh ony ne rononha, jinonka ne deyojonden-nyon a-orowa ne jiniyohnoshen ne raoneryaneh, nonhondehhadeh ne ra-o-diyeronda-o-gon ok rononha thadinyenhogenseron

25 Eh wathaditennyatoh ne Niyoh ra-o-tokensketsera jinonka nonowenh, neony ron-nitendahse neony radiyotenseh ne kayadissonh senha jiniyuht ne Shakoyadissonh nene rodaskats jiniyenhenweh, Amen.

26 Ne ne ken tyoriwa ne Niyoh ji washagotkaweh jinonka nyodaditenrat jiyonoshat : iken shegon ony ne ra-o-nathonwisentsera watkonditeny jiniyoht jikahsah-ahton yothaharagwen jiniyoht jishaoyerah :

27 Neony ok ne shakat ony ne ronongweh, wahhonahty ji shaoyerah yoderih-honteh ne yon-

gweh, ra-o-dinoshatserahgon ron-
atyadatshonh thadinyenhogen-
seronh : ronongweh ok ne ne
shadehonnongweh rodiyohteh ne
yodehhat, neony rodiyenahatyeh
thoikenh a-o-karyaksera ne ra-o-
diyahdahtontsera dekenineron-
ston.

28 Neony ji yah dehhodinon-
weonh nahonwatyenawastonh
Niyoh ne ra-o-naderyendaratser-
agon, Niyoh washagotkaweh ji-
nonka nyadeshodiyenh ne kaya-
dorehtatseriyo, ne eh nenhad-
yereh jinahotenhshon ne yah
deyotkonnyust.

29 Ne kananonh agwegonh ne
yah deyoderihwa - gwarihsyon,
wahetkonogonh, ronaskenhash-
seh, wahetken nishagonatyerah-
seh ; kananonh kanosha - onh,
yondenryos, dehonderihhodarhos,
radinigorhatha, wahhetgon ro-
dirihhondahkwen ; dehhadijah-
honhs,

30 Shagodihsennakshatha, ron-
wahswens ne Niyoh, rodikenh-
rahdanitskwen, radinayeh, rona-
datharadahtonh, radihsa-ahs ne
wahetkon jinahotenshon, ron-
dewennontyehs jinonka ne ronwa-
diyen-ah,

21 Yah dehodiyen kanigonh-
rayendatsera, yah dehhodirih-
wadoken, yah dethonatennon-
wakteh, yah dehonnennittenrehs-
gwen :

32 Ronaderyendareh ne yo-
derihwagwarihsyon ra-o-jenhay-
entsera ne Niyoh, ne ne rononha
ne ehnihontyerha keniken naho-
tenshon, enhodira neh ne ken-
heyonh, yah ne ok dehkoni ne
ehnihodiyeronhatyeh, nok ony

roneryendiyohs ne akoronh ony
ehnihodiyeronhatyeh.

CHAPTER II.

1 Ne wahhonny yahhothenon
thaserihwarahgweh, O rongweh,
onkakiok niseh ne tehsheyador-
etha, iken ji nahhoten wahtet-
syadorehdagweh ne thihadeh,
iseh wahsadatawendehte ; iken
i-se ne dehsyadoretha ok ne
shakat jinisatyerha.

2 Nok yonkwaderyendareh ne
ra-o-jenhayentsera ne Niyoh tyo-
yanenha ne togensketsera, ne
rononhageh ne eh-nihontyerha
tho-iken nahhotenshon.

3 Neony ih-sereh ken keniken.
O rongwe, ne tensheyadorehte
ne ehnihontyerannyons, neony
ne shagat oh-niseh jinonsyereh,
enseh-senyakonneh ken ne ra-o-
jenhayentsera ne Niyoh ?

4 Netens ensakenhraten nat-
shogowatsera ji nihhoyanere,
neony ji rodahkatsdaton, neony
raonigonkatstensera ; yah desa-
teryendareh ne seh ji nihhoyan-
ereh ne Niyoh sasharihneh ne a-
onsasadatrehwateh ?

5 Nok ne tyoyanenha ji nisa-
hiron neony yah desewatatre-
watha seryaneh, satye nihton-
hatyeh ne kanakwensera, jinon-
niwehnis-seradeh ne kanakwen-
sera neony enwadodahsy ne yod-
erihwakwarihsyon ra-o-jenhay-
entsera ne Niyoh ;

6 Enshagorihwaserakwen ni-
yadeyongwedageh ne entyoyan-
enhaweh ne ra-o-di-yohtensera ;

7 Neh rononhageh ne kanigon-
katstenseragon yoyanereh ji ni-
hontyerha ronnehaks onwesent-

sera neony yotkonnyust neony nya-tha-on-hetkenneh, jiniyenhenwe yonheh :

8 Nok ne rononha ne dehhonderihhodarhos, neony yah dehondewennarakwa jinonka ne tokensketsera, nok radiwennarakwen ne yah teyoderihwagwariksyon, yodah-gwaswat neony Kanakwensera,

9 Karonyakensera neony yoronyakent enkarane jiniyah-dewahonhetsera-geh ne rongweh ne royohteh ne wahetken Jewshaga tyo-tyerondonh, neony ne Greek :

10 Nok onwe-sentsera neony yot-konnyenst neony kayaneren jiniyahdeyongwedageh ne yoyanereh rodiyohdeh, Jews-haga tyotye-rontonh, neony ne Greek :

11 I ken ne Niyoh yah ne thahondahayanenhaweh ji niyeyadoten ne ongweh,

12 Iken jinikon ne rodirihwaneron ne yah dehodihyen ne law enhontkaronny ony jinonka ne yah ne law ; neony jinigonh ne rodirihwaneron onah-kon ne law neh ki ne law neh ten hoyadorehte ;

13 (Iken yah ne rondahonsadats ne law dethodirihwayeri ra-o-henton ne Niyoh, nok ne neh ehnihhodiyeron jiniyoht ne law ne enshonaderihwagwarihsyah-ton ra-o-henton ne Niyoh.

14 Iken neonenh ne Gentiles, ne yah dehodiyen ne law, ent kayendahgweh ji sha-o-yerah eh nonhadiyereh ji na hotenshon ne law, keniken yah dehodihyen ne law, ne ki law ikenh ne ronohageh ;

15 Ne rono-dahsyon ne a-o-

yotensera ne law eh kahyahton ra-o-neryaneshon, ne ji yehonttokatha ony karihwanirats, neony ra-o-nonnontonnyontsera karihwaretsha kentenshayen radihrihwarahkwanyon thadihnyenhookenseron :)

16 Ji enwehniseradekah ne onenh ne Niyoh enhajenhayen ji yodahsehtannyon ne ongwehgonke raonhageh ne Jesus Christ tyoyanenha ne agwawen watroyaseriyoh.

17 Nok tohga ne sadenahtongwen ne Jew, neony ehsadorishon onahkon ne law, neony enehsadatonnyahton ne Niyohne,

18 Neony saderyendareh ji nithanonwes, neony serihwanihrats ji nahotenshonh ne senha yoyanereh, eh saweyendehtaonh tyoyendahkwen jinonka ne law ;

19 Neony sadewenodahkwen ji ise sheyahsharineh ne deyeronwehgon, ne kaswathetshera ne ronohageh nahsadagonh,

20 Ne yetshirihhonnyenny ne rodihteh, yetshirihhonnyenny ne niyahahsah, Sennihhaweh ji Kayanahton naderyendaratsera neony ne tokensketsera ne onahkon ne law.

21 Ise kady nentsherihhonyon ne thi-hateh, yah keh niseh thasadaderihhonyon ? iseh nentshaderihwahnotonseh ne rongwe tohsa a-hanonsko ensenonsko ken nise ?

22 Ise ne sahton dohsa kanakwa serihwanerak, kanakwa ken nise enserihwanerakeh ? iseh ne itswens ne kayadonnih-o-gon, washetkentehten ken yoyahdado-genty ji nahhotenshon ?

23 Ise ne ehsadatharadaton onakon ne law, yensahty ken nya-deyotkonnyust ne Niyohne a-o-rihwa ji tehshyaks ne law?

24 Iken ne ra-o-senna ne Niyoh watshawen noryaton ra-o-dinen- ragon ne Gentiles ise sewarihwa ji kiniyoht ji, kahyahton.

25 Iken yontyeronnitstha te- kenske yotonrahtak dohga en- sathawah ne law: nok tohga dehshyaks ne law, ji satyeronnit- ton neh on-tonh ne yah tesatyer- onitston.

26 Ne wahhony tohga ne yah tehotyeron-nitston enhatha- wah ji yorihwatatyeh ne law, yah ken ne ji yah dehotyeron-nitston ne tha-ondaratsteh ne rotyeron- nitston?

27 Neony ji sha-o-yerah yah dehonatyeron-nitston, tohga en- hanahneh ne law thadahyayah- dorehte niseh, ne ne aorihwa ne kahyatongwah neony ji satyeron- nitston dehshyaks ne law?

28 Iken yah raonha dehken ne Jew ne neok natsteh nonka; netens thoiken nyontyeronnitstha ne ne atsteh nonka: netens thoiken nyontyeronnitstha ne ne atsteh nonka o-wahronneh;

29 Nok raonha ne Jew ne ne enskat nonakontseragon; neony yontyeronnitstha ne akawery- aneh, kanihonragon, yah ne kah- yadonhgwa; ne ne ra-o-dinen- tentsera yah ongwehgonkeh dehken, nok Niyoh-ne.

CHAPTER III.

NAHOTENH kady ji senha eneken ne Jew? netens

nahhoten adonrahdak ne yontye- ronnitstha:

2 Ehsa ji ok nonka: tyotyer- onton orihwiyoh, thoiken ronon- hageh watkawen ne Niyoh ra- orihwaokon.

3 Iken ohna-nahoten tohga otyageh yahdethonehdahkon? ne ken ji yah dethonehdahkon ne ken enyonnyateh ji nihhorih- wadoken ne Niyoh yah othenon thayorihhondaneh?

4 Tohsa ehmayawenneh: nok kinyoh Niyoh tokenskeh kenhak, nok niyahdeyongwedakeh ono- wenh; tyoyanenha jiniyoht ji kahyahton, ne kahdy eh ensad- erihwakwarihsyaten jinonka ne sawonnaakon, neony en-sadens- henny ne onen enyesate-nyen- ton.

5 Nok toka ne ongwawenk nya-deyo-derihwa-kwarihsyon en- karihwahniradeh ne Niyoh ra-o- derihwagwarihsyontsera? nenken ne Niyoh yah dehoderihwakw- arihsyon nenrodahsy ne ra-o- nakwenserah? (Wakadady ji niyoht ne rongweh)

6 Tohsa eh nayawenneh: iken nen ne ohnayawenneh nahhajen- hayen ne ji yonwenjadeh?

7 Iken dohga ne ra-o-tozens- ketsera ne Niyoh, a-o-rihhonnyat nake-nowendah senha ontkada- teh jinonka ne ra-onwesentsera ohniyotyeron ji sheyon ne den- yonkyadorehda-gweh jiniyoht ne rorihwaneraaksgwen?

8 Neony ohniyotyeron ne yah (jiniyoht ji yoka-rewaht yonk- hiyatrory, neony ji otyakeh ron- donh yakwadonh,) wahhetken ni- dewattyer, ne kady ne yoyanereh

a-ondaweh ? ne nera-o nadewen-tetesera ne ok ne yoderihwakwarihsyon.

9 Nahhoten kady ? senha ken yonkwayanereh ji Niyoh ne rononha ? yahten, yah-othenon : iken ohendonh orihwiyoh tyonkyonny dejaron Jews-haka neony Gentiles ji agwekon eh rodiyahdaraonh ji karihwaneron ;

10 Jiniyoht ji Kahyahton, yah onka deyakoderihwakwarihsyon, yahten, yah enskat :

11 Yah onkah thiyehonigonrayendahs, yah onkah dehonwadihsaks ne Niyoh.

12 Agwekonronathaharakwen, ok enskat yehonatonh yah othenonh thiyadejorihhonteh ; yah onkah yoyanereh dehontyerha, yahten, yah enskat.

13 Ji rodinyadakaronteh nene yodonhotonkwen jiyondatya-dada-astha : kanihgonrhatonh ji rontsthah ne ronennahsakeh : ne a-o-wenk ji yotkon ne onyareh eh iwah radiskwendageh :

14 Jiradihsagaronteh ne kananonh ne rondewendehtha neony yotskarahtennyon :

15 Ronsikeh neh deyohka nahhadihnekwensaweron :

16 Atkaronnyatsera neony yodaditenrat ji rodihhatennyon :

17 Neony ji yohahdeh ne skenonh yah dehonaderyendareh :

18 Yah dehonwatshanihseh ne Niyoh ohendon ne radikahdegeh.

19 Nonwayongwaderyendareh tho-iken ji nahodenshon wahtonh ne law, ne ki yeyothare rononhageh netho onahkon ne law : ne kady ne agwekon ji radihsakarondeh enkanhodongeh, neony

agwekon ne ji yonwenjadeh eh-yenyodahtenreh onahkon ne ra-o-jenhayentserakon ne Niyoh.

20 Ne wahhony na-o-yotenseraokon ne law yah othao-wahrohton eh tha-onsayoderihwagwarihsyatonh ne ra-o-hendonh : iken eh entkayendahgweh jinonka ne law naderyendaratsera ne darihwaneren.

21 Nok nonwa Niyoh ra-oderihwakwarihsyontsera yododahsyon jinonka ne yah kaneka ne law, neh witness iken ne law neony yehadiriwahkens ;

22 Ne shakat ne Niyoh ra-oderihwakwarihsyontsera a-o-rihhonnyat ne dewehdahkon ne Jesus Christ ji nonka nok yewagwekon neony kahhereh rononhakeh agwekon ne thonehdahkon ; iken yah othenon thadekyatdihhen :

23 Iken agwekon rodirihwaneren, neony tyonkwanoronseh ne raonwehsentsera ne Niyoh ;

24 Jonkwaderihwagwarihsyatonny a-o-rihhonnyat ne ra-o-terrat tyoyendahgwen ne atneronsyatsera ne Christ Jesus-tse-rahkon :

25 Raonhageh Niyoh eh roketshwen *Shakotenrah dak-wah a-rihhonnyat dewehdahkon ne raonekwensa, ji ra-o-dahsyon ne ra-oderihwagwarihsyontsera ji rodohetsdahkon ne karihwaneraakseraokon ne nen tyodohetston a-rihhonnyat ne ji ronihkonkatsteh ne Niyoh ;

26 Ne a-shakonadonhase ne ra-oderihwakwarihsyontsera ne ken wathawy : ne kahdy wahhonny roderihwakwarihsyon, ne-

ony sheshakorikwagwarihsya-tonny ne raonkake ne thawehd-a'ikon ne Jesus,

27 Kah kahdy ji non naye-ondatharadateh? kayahdohdarhon. Kah kady ne law? kayotensera-o-kon ken? yahten: nok entkay-endahkweh ji yorihwadatyehe ne dewehdahkon.

28 Ne wahhony ne wa-agwar-atsteh ronkwe enshoderihwakwarihsyahton dewehdahkontserakon, ne yah kaneka ne kayoh-tensera-o-kon ji nonka ne law.

29 Jews-hakageh okken Niyoh, iken? yah ken ne ne Gentiles? henh, Gentiles ony:

30 Weh dewatkathoji enskaok ne Niyoh, enshorihwagwarihsya-ten ne rottyeronnitston dewehdahkontseragon, neony ne yah de-hottyeronnitsten a-o-rihhonnyat ne dewehdahkon,

31 Nen kady kenh ne entyonnyateh ne yah othenon ne law a-o-rihwane dewehdahkon? tohsa ehnayawen neh: henh, enyakwayah dahni-radeh ne ahtyawenratserah.

* Ne shakawennah ne Hebrews IX. 5 Thayahon 'mercy-seat.'

CHAPTER IV.

NA-HOTEN kady endewen-ron thoiken Abraham etshidewahnihha tyoyanenha ne oh-wahronne rotshenryon?

2 Iken dohga ne Abraham a-onsahoderihwakwarihsyatony a.o-rihwa ne kayotensera, royen ki ji dahaderensaron: nok yah ki ne ra-ohenton ne Niyoh.

3 Iken nahhoten wahton ne kahyatonsera dokenty? Abraham dahhawehtakweh ne Niyoh, neony ne ondahraststeh ne raonhageh naderihwakwarihsyontsera.

4 Nonwa ne raonhageh ne royohteh, ji enhadonrahdahgwe yah ne thaondahrastste ne kent-rat, nok waokarohdaneh:

5 Nok raonhageh ne yah thahoyhton, nok thawehdahhon ne raonhageh ne sheshakorihwakwarihsyahtonny ne yah deyako-yanereh, rawehdakontsera ne ondaraststeh ne aderihwakwarihsyontsera.

6 Ji niyoht ony ne David rot-rory ji nihhodaskats ne ronkwe ne Niyoh enhahraststeh ne raonhageh naderihwakwarihsyontsera ne yah kanegah ne kayo-denseraogon,

7 Ronadaskats ne ra o-dihrihwanera-akshera shonwadirihwi-yostenny, ra o-dihrihwanera-aksheraokon karhoron.

8 Rodaskats ne rongwe ne Niyoh yah thaharatsteh karihwaneren ne raonhageh.

9 Keniken kayadaderitsera re okken jinonka ne ronattyeronnitston, kaddonh ony ji nonka ne yah dehonatyyeronnitston? Iken yakwadon dewehdahkon ne yodahrastston raonhageh ne Abraham naderihwakwarihsyontsera.

10 Kah kady nonweh ji ne yodahrastston? ji ken nonwehne nen shihotyyeronnitston, kaddonh ji nonweh ne yah dehottyeronnitston? yah ne ji rottyeronnitston, nok jinonka ne arekho shihotyyeronnitston.

11 Neony wahhayena ne wehnesdahkon ne yontyeronnitstha karihwahnihratsera ne a-derihwakwarihsyontsera ne dewehdahkon royenh ne arekho shihotyeronnitston: ne kady enken hagehraonha shakoyen-o kon-ah agwekon ne tyakawehdahkon etho saneh yah dehonatyeronnitston ne kahdy naderihwakwarihsyontsera aondaratsteh ony nenne neronnhakeh:

12 Neony ranihha jinonka ne ronatyeronnitston, nok rononha ony ne eh ronahtentyon ji niyeha wennon dewehdahkontserakon ne arekho shihotyeronnitston ne etshidewanihha Abraham.

13 Iken yah eh tetyoyendahkwen jinonka ne law ne karharatsera ronwahwy ne Abraham netens ne ra o-nenh ji ne enkenhageh ne raonha ne rayadakwenihyo ji yonwenjadeh, nok a-o-rihhonnyat naderihwakwarihsyontsera ne dewehdahkon.

14 Iken dohga rononha ne ehradiyahdarehkwen jinonka ne law ne enhadiyadakweniyokeh, dewehdahkon ne ontonh ne yah othenon neony ne karharatsera yah othenon thayorihhondaneh:

15 Iken ne law enyoyoton kankwensera; nok ji nonweh ne yah ne law yah ki ony ne sewa-derihwadewahton.

16 Ne kady a-o-rihwa dewehdahkontserakon, ne kahdy enkenhageh tyoyanenha ne kentenerat, ne kahdy ne orihwiyoh enkenhageh ne karharatsera jinonka ne ok yewagwekon ne kanken; yah ne ok dehken ne rononha jinonka ne law, nok ki ony jin-

onka ne ji wahdeh ne Abraham rawehdahkontsera: raonha etshidewanihha ne okyedewakwewon,

17 (Tyoyanenha ji kahyahton, Iih neh wakonyonny niseh ne ranihha ne ehseh rononwenjakeh) ra-o-henton ne Niyoh thawehdahkon, raonka ne se shakaonhets ne yakawenheyon, neony wahhanahton-kwe thoiken ji nahotenshon ne yah ethenon jiniyoht neakayahdondakeh.

18 Raonha ne a-o-henton ne karharatsera dahrehdahkweh karharatserakon ji ne enhatonh ne ranihha ne ehsononwenjakeh, neh tyoyanenha ji nahhoten ne wadahty, eh nonyawenneh jinonka ne sawenk ne kahlen.

19 Neony yah dehhoyadanet-skha jinonka ne dewehdahkon, yah dehaweron ne ra-o-yerondahnen kaweyennoondaon yawenheyon onen enskat dewennyaweh niyohserakeh ji nithoyen, netens ony ji yahwenheyon ne Sarah a-o-dewirada.

20 Neony yah dehonisko-on jinonka ne Niyoh raorharatsera a-o-riwa ne yah thaondahawehdahkon, nok royahdahniro de- wehdahkontserahkon, wahhaonwehsahteh ne Niyoh;

21 Neony orihwiyo rodonseh thoiken ji nahhoten ne wahharahratsteh rokwenneyen ki ony ne ehnenhayereh.

22 Neh tyorihwa ony ne yodahratston ne raonhageh naderihwagwarihsyontsera.

23 Nonwa yah ne ok dekahyahdonkwen ne yahdehayahty

ra-o-riwa, ji ne yohdahraston ne raonhakeh ;

24 Nok onkyonhageh ony, ji knwahrastonha-geh, ne entyonewedkaonhageh ne raonhakeh ne shoketskwen ne Jesus Shongwayaner ji nonka ne kenheyatneh ;

25 Ne yehhotkawahton jinonka nonkyonha onkwahitseraokon, neony shoketskwen ony ji nonka ne onkwaderihwakwarihsyatsera

CHAPTER V.

NE kady a-o-riwa jongwaderihwakwarihsyattonny a-orihhonnyat ne dewehdahkon, yonkwayen ne skennon ne Niyohne ra-o-rihhonnyat Shonkwayaner Jesus Christ :

2 Raonhageh ony ji yonkwadonhodonkwenny a-o-riwa ne dewehdahkon keniken kentenrat ne jinonweh nadeyonkwadaonh, neony yongwadonhahereh karharatserakon ne raonwesentsera ne Niyoh.

3 Neony yah neok dehken, nok endewanenton ony ne nen karonyakenseragon, yongwaderyendareh ne karonyakensera enyoyoten kahnigonkatstensera :

4 Neony kanigonkatstensera, kaweyendehdatsera, neony kaweyendedatsera, karharatsera :

5 Neony karharatsera yah ne thayonny ne a-edewadehhon ; ne wahhonny nera-o-noro ikwatsera ne Niyoh Ronikonriyoston thoweronthon ongweryaneshon ne ne deshongwahwy nonkyonha.

6 Iken yahshiyonkwashatstenserayen shekon, yah kaheweh ji wathahwy Christ

washakawenheyaseh ne ne yah deyakoyanereh.

7 Iken otskeronke ne ne ra-orihwahke ne roderihwagwarihsyon ne onkaok a-hawenheyaseh : nok ki ne raorihwakeh ne ronkwedihiyoh tohga nonwa onkaok a-hakwenny nahawenheyaseh,

8 Nok Niyoh ehnithodahton ne ra-o-noronkwatsera ne onkyonhageh, ne keniken shekon shiyonkwarihwaneraakskwen, Christ washonkwenheyaseh.

9 Ehso senha kahdy, nonwanen jonkwaderihwagwarihsyatenny a-o-riwa ne ra-o-nekwensa Raonha ensheshonkwayahdakoh jinonka ne kanakwensérakon.

10 Iken dohka, etshidewaswens, sayonkwaderihwahseroronyon ji nonka ne Niyohne a-orihhonnyat ne rawenheyat ne Royen-ah, ehso senha kahdy, ji nen jonkwaderihwahseronnyeny, neh enjonkwayahdakwadeh a-orihhonnyat ji Ronhe.

11 Neony yah neok dehken, nok endewanenton ne Niyoh-tserahkon, ra-o-rihhonnyat shonkwayaner Jesus Christ, raonhageh tyoyendahkon nonwanen yongwayenaonh ne karihwaseryonnyatsera.

12 Neh kady a-o-riwah ne karihwaneron ji yodaweyadon ne ji yonwenjahdeh ehtyoyendahkwen ne shayahdat ne ronwe, neony kenheyon ehdakayendahkweh jinonka ne karihwaneron, neony kenheyon wakarabneh jinonka nakwekon nonkwe, iken akwekon rodihrihwaneron :

13 Iken ne karihwaneron nen jiyonwenjahdeh shikahyen nen

shonweh ne law : nok karihwan-
cron, yah dekarodahsyon jin-
onwe ne yahkaneka ne law.

14 Nok kenheyon yorihwaka-
hnonny ehtyodahsawen ne Adam
jiniyohre ne Moses, shegon ony
ne rononhageh ne yah dehodirih-
waneron ne ne deskyatyeron ne
Adam ra-o-derihwahdewahdont-
sera, ne raonha ne tyoyeronionh
ne dahrehsereh.

15 Ne yahten ne jiniyoht ne
kanhitsera, eh ony niyoht ne
skennen adadawy ne kentenrat,
iken dohka ehtyoyendahgwen ne
raonhitsera ne enskat yaweh-
dowanen roneneheyon, doh-kady
niyoreh senha ne raotenrat ne
Niyoh, neony ne ok skennon
a-dadawy ne kentenratserakon.
ne eh tyoyendahkwen enskat ne
ronkweh Jesus Christ, yotkada-
tonh jinonka nyakotyogowanen.

16 Neony yahten ne jiniyoht
ne a-o-rihhonnyat shayadatrorih-
waneron, eh ony niyoht ne
adadawy : iken ne kajenhayent-
sera shayadat jityoyendahgwen
jinonka nadewendetserakon, nok
ne adadawy ne kentenrat tya-
wenon jinonwe ne yawedowanen
kanhitseraokon jinonka naderih-
wagwarihsyatsera.

17 Iken dohka a-o-riwa ne
raonhitsera ne shayahdat kenhe-
yon yorihwaganonny eh tyoyen-
dahkwen ne enskat, ehso senha
ne rononha ne rodiyenaonh jini-
yotkahdahton ne kentenrat neony
ne okskennon adadawy naderih-
wakwarihsyontsera, enkarihwag-
anonny jinonwe ne yonke eh
tyoyendah ne enskat nene Jesus
Christ.)

18 Ne kady ji eh tyoyendah-

kwen ne enskat kanhitsera neh
dakahaweh nadewendetsera ji
nonka nagwehon nongwehokon-
keh : eh kahdy ony niyoht tyo-
yendahkwen ne enskat aderihwa-
kwarihsyontsera ne dakahaweh
jinonha nagwekon nongwehokon
jinonka naderihwakwarihsyat-
sera ne yonhe.

19 Iken ji eh tyoyendahkwen
ji rodewennontyon ne shayahda
rodityohkowanen ne wahhontoh
ne rodirihwanera-akskwen, eh
kady ony niyoht tyoyendahkwen
ne ra-o-dewennaraksera ne en-
skat rodityokowanen neh en-
shontoh ne yoderihwakwarihs-
syon.

20 Nonwa ne law tyodaweyah-
ton ne kady ne kanhitsera a-
ontkadateh ; nok jinonwe ne
karihwaneron yotkahdahton,
kentenrat yahhondohetsteh ont-
kadateh :

21 Ne kady ne jiniyoht ne
karihwaneron ji wakarihwakan-
onny ji nonka ne kenheyatneh,
eh kady ony niyoht kentenrat
akarihwaganony a-o-rihhonyat
naderihwakwarihsyontsera jin-
onka ne jiniyenhenweh yonhe
ra-o-rihhonnyat Jesus Christ
Shongwayaner.

CHAPTER VI.

NAHHOTEN kady ente-
ron? nenkonh endidewari-
hwahkonton jikarihwaneron ne
kady ne kentenrat aontkadateh?

2 Tohsa ehnayawenneh. On-
kyonha ne yongwenheyaonh ji-
nonka ne karihwaneron, ohnahot-
ton a-karihhony senha karihwes
eh a-e-tyonhetyeh?

3 Yah ken dejaderyendareh

jinikon nonkyonha baptized raonhageh ne Jesus Christ eh ki baptized jinonka ne raonha rawenheyat ?

4 Yongwadyadaton kady enskatne ne raonha aorihwa ne baptism jinonka ne kenheyatneh ne kady jiniyoht ne Christ ji shotketskwen ne kenheyatneh a-o-rihwa ne raonwesentsera ne Ranihha, onkyonha ki ony eh ayonkwadontyonhatyeh ne ahseh jia-e-tyonhetyeh ;

5 Iken tohka neh yongwatonhon neh enskatne ne raonha ne neh deskyatyeron ne rawenheyat, eh ki ony niyoht nonkyonha neh deskyatyeron ji shotketsgwen :

6 Yonkwaderyendareh kenigon, nene ongwawen ne akahyon rongweh dehonyasonteh enskatne ne raonha, ne kady ne a-oyeron dah ne karihwaneron a-onhtontonhageh, ne kady ne yah shekon thaonsedewayohten- seh ne karihwaneron.

7 Iken raonha ne rawenheyon shotneronsyon ky ji nonka ne karihwaneron.

8 Nonwa tohka yongwenheyaon enskatne ne Christ, tyonkwewdahkon ki ony ji entyonheke enskatne ne raonha :

9 Yongwaderyendareh ne Christ ji shotketsgwen ne kenheyatneh yah oyah thaonsahrenheyeh : kenheyon yah o-yah dejoshatstenserayen ne raonhageh.

10 Iken onahkon thoiken eh rawenheyon, wahrenheyeh jinonka ne karihwaneron enska onderatsteh : nok onahkon thoiken

shronhe, shronhe raonhakeh ne Niyoh.

11 Neh kady ony nihseh jahratstonhak nyadesehniyadishon sehnonheyaonh jinonka ne karihwaneron, nok ji-jonhe jinonka ne Niyohne raonhatserakon ne Christ Jesus shongwayaner.

12 Kinyoh tohsa kady ne karihwaneron eh karihwakar-onny jinonka ne kenheyons sewayerondah ne ne aesewawonnarahgweh ne a-o-noshatsera- okon-

13 Netens ne ya-e-jadadatkahwe jiniyoht ne yakoyotenstha jinonka ne yah deyoderihwakwarihsyon jinonka ne karihwaneron : Nok yahjadadatka ne Niyohne jiniyoht ne shononh- he tethodiyendahgwen jinonka ne kehheyatne, neony sewayeronda ne a-kayendahkwen jinonka naderihwagwarihsyontsera ne raonhageh ne Niyoh.

14 Iken ne karihwaneron yah thaontonnonton ne jonhakeh : iken yah eh desewadatonron onaken ne law, nok onahkon ne kentenrat.

15 Nahoten kaky ? nenken endewarihwanerakeh ne wahonny ji yah eh dehtewayadareh onahkon ne law, nok onahkon ne kentenrat ? tohsa ehniyawenh.

16 Yah ken dejaderyendareh. onkahkeh yenjadadatka weh kanhatsera enkenhageh enjadewennarakwakeh, raonha ki raonhatsera onkah watshisewawennarakweh, tokah ken jinonka ne karihwaneron ne kenheyatne, kentskayen adewennaraksera jinonka naderihwakwarihsyontsera.

17 Nok deyononwerahdont ne Niyohne, thoiken ne jonha a-onhatserah kenhne ne karihwaneron, nok jadewennarahkwen sehneryaneh ne jinikarihoten ne karihhonnyonnyatsera jinonweh niyetshirihhonnyonny,

18 Nonwa nen jijatneronsyon jinonka ne karihwaneron, ne ki wehjahtonh ne a-onhatsera naderihwakwarihsyontsera.

19 Wakadati tyoyanenha jiniyeweyennoton nongwe, ne wahonny ne a o-yahdanetskhatsera ne sewa-wahronneh : iken jiniyoht ji yehjatkawen ne sewayeronda a-onhatsera ne deyojontenyon neony ji sewaderihwadewahton jinonka ne sewaderihwadewahton : eh kady nonwa niyawenhn yahjatkaf ne sewayeronda kanhatseraokon enkonhageh naderihwagwarihsyontserahkon jinonka ne kayadadokentitsera.

20 Iken ne karihwaheron shiyonhatsera ne jonha jatneronsyon ki ne a-onhakeh naderihwagwarihsyontsera.

21 Nahhoton jiyeyohyaniyenteh sewayen nethohne ne nonwa nen jatehhons ? iken jiyeyodokteh thoiken jinahotenshon ne ne kenheyon.

22 Nok nonwa nen ji jatneronsyon ne a-onhageh ne karihwaneron, neony neh jaton-onh ne raonhatseraokon ne Niyoh, sewayen yohyaniyendeh jhonka ne kayadadokentitsera, neony ji yeyodokteh jiniyenhenweh yonhe.

23 Iken ne a-o-karyaksera ne karihwane ronne ne kenheyonh ;

nok ne Niyoh ra-o-wenk ne adadawy jiniyenhenweh yonhe, raonhatserakon ne Christ Jesus shongwayaner.

CHAPTER VII.

Yah ken dejaderyendareh dewadadegon-o-gonah, (iken wakadahty ne rononhageh ne radiyendery ne law,) thoiken ne law enthonondonseh ne ronkweh iinikarihwes enhronhekeh ?

2 Iken ne yakongweh nyakon-yahkon, law yahkohneron raonhakeh ne rohne jinahhe ne ronhe nok tohka ne rohne ahrenheyeh, sontneronhsy ki na-o-rihwahke ne law jinonka ne rohne.

3 Eh kady niyoht dohga jinahhe ne rohne neh ronhe oyah aonsayoneyake thihahthe ne ronkweh, ne ki ongonwanahtonkwe ne kanahkwarha : nok tohka ne rohne ahronheyeh, sayontneronsy ki jinonka ne law jiyonyakonneh ; ne kahdy ne yay neh thonkonhakeh ne kanahkwarha etho saneh thihahthe ne ronkwe aonsahodinyakeh.

4 Eh kady niyoht dewadadekenogonhah, jonha ony ehniyawenhi sewenheyaonh ne aonhake ne law tyoyendahkwen ne ne raoyeronda ne Christ ne oyah yahtenjonkwatyeston ne shahayahdat ne shotketskwen ne kenheyatne, ne kady ne a-edewahhawe ayohyannyondahke raonhakeh ne Niyoh.

5 Iken ne shegon eh shiyongwadataenron nohwahronne ne jiwadoryanerons ne karihwaneron ehtkayendahkwa ne jinonkan e law yoyoteh nonkwayerondakeh

ne aondakabaweh aonhyanyen-ton jinonka ne kenheyatne.

6 Nok nonwa nen jonkwatner-onsyon jinonka ne law, yonkwonheyaon thoiken jinonwe ni-yonkwahneronhne; ne kady ji enyonkwayohton ahse ne kani-konra, neony yah ne jinonka nakahyon kahyadonkwa.

7 Nahhoten kahdy endewen-ron? karihwaneron ken ne law? tohsa ehniyohtonhak, nok yah dewakaderyendaranoh ne karihwaneron, jiniyohre eh dahkay-ehdahkwe jinonka ne law: iken yah ony dekadohkaks ji yonos-hat, jiniyoreh ne law wadonh, tohsa ahsehnosha.

8 Nok karihwaneron deyohk-wen nadeshennah, ontsteh ne karihwadatshera waoyohton ne iihhtserakon agwekon jinityoty-eraton ne kanoshatsera, iken ne yah kanekah ne law karihwan-eron yawenheyon.

9 Iken konhe enskat yoderats-ton ne yahkaneka ne law, nok katkeh ne karihwadatsera onwe, karihwaneron sondonheteh ne-ony wakiheyeh,

10 Neony ne karihwadatsera ne neh kahsa-ahton jinonka na-yakonhegeh, waketsHenry ne ihken ne kenheyat.

11 Iken karihwaneran deyohg-wen ne adeshonnah ontsteh ne karihwadatshera, onke-nikonrh-ahton neony ne ontste ongwah-donteh ni-ih.

12 Eh kady niyoht ne law oyadadokenty, ne ony ne karihwadatshera oyadadokenty, ne ony yoderihwagwarihsyon ne ony yoyanereh.

13 Nenkady ken thoiken neh iken ne yoyanere neh ontonh ne kenheyon niihne? tohsa ehniyohtonhak: nok karihwaneron ok kennon thaontoh jirihkawan-eron iken, yoyohteh kenheyon nihtseragon tyoriwa thoiken ne neh ikenh nyoyanereh, ne kady ne karihwaneron, aorihhonyat ne karihwadatsera ne a-ontonh nyeyodonghton wahetken.

14 Iken yongwaderyondare ne law kanigonrake iken: nok niih ohwaronneh ikenh, wadenhni-non onakonh ne karihwaneron.

15 Iken thoiken jinonkyereh yah dekerihwanihrats: iken neh ehnikyerha ne yah eh tetkenon-wehs, nok nahhoten ne ikswens ne ehniwakyeron.

Dohka kady eh nenkyereh thoiken jinahoten ne yah dewak-athondahton, wakerihwanirateh ji yoyanereh ne law.

17 Nen kady nen ne yah oyae iih ehdeskyerha, nok karihwan-ron ne yodatenron ni-ihtserakoh.

18 Iken wagateryendareh ne iihhtseragon, ne wahhy, ne akew-ahronneh, yah othahohten deh-wa ne yoyanereh: iken ihwah ne iihne ne eh nitkanigonrohton: nok ohna-akyere naonkyoton thoiken nyoyanereh yah thake tshenry.

19 Iken ne yoyanereh jinade-tewakahdonwenjony yah eh tha-akyereh: nok ne wahhetgon ne yan eh detkehnnonwes neh eh nenkyereh.

20 Nok dohka ne eh nenkyereh ne yah eh detkehnnonwes, yah ki-oyah iih eh deskyerha, nok karih-

waneron ne kahyen ne iih tserahgon,

21 Wahketshenry kahdy ne law, ne katke nen deh wagadonwenjony ne yoyanereh jinakatyere wahetkon kahyon ne iihne.

22 Iken wakeryendiyohs ne raoh tyawenratsherahgon ne Niyoh tyoyanenha ne onahkontserahkon rongweh :

23 Nok dekgunereh thikahte ne law akyerondagon, yodoryaneronny ne a-o-tyawenratsera ne akenihgonra, neony yahhonkyadonhawe onkenaskonny jinonka ne law ne karihwaneron ne eh yodatenron kyerondagon.

24 O yodaditenrat ronkwe ne iih ! onka enjonkneronsy kenikonh jiwahte ne oyerondah ne kenheyonh ?

25 Deyononhwerahdont ne raonhageh ne Niyoh raorihhonnyat Jesus Christ Shongwayaner. Nen kahdy I yadekyaty ikene ne kanigonra enkyotenseh ne raotyawenratsera ne Niyoh : nok ne ohwahronne karihwaneron a-o-tyawenratsera.

CHAPTER VIII.

NE kady karihhonny nonwa yah adewendetserakon deskonh ne rononhageh ne eh ronadatenron raonhatserahkon ne Christ Jesus.

2 Iken ne a-ohtyawenratsera ne Kanigonra ne yonhe ne Christ Jesus-tsherakan neh sewakneronhsyon jiwahte ne law ne karihwaneron neony ne kenheyonh.

3 Iken ji nahhohten ne law nyah deyokwennyon eh nayoyeh

ron onahkon thoiken yoyahdahnetskha aorihhonnyat nohwahronneh, Niyoh dahhotennyeteh ne raonha Royenhah neh deskatyeron ne yonrihwaneraaksgwen ohwahronne, neony a-o-riwa ne karihwaneron wahhadewendehteh ne karihwaneron ne owahronneh.

4 Ne kady neh yoderihwagwarihsyon karihwahnontoh ne law a-onderihwanahne nonkyonhatseragon. ne ne yah eh deyongwahtontyonhatyeh tyoyanenha ne owahronneh nok neh tyoyanenha ne Kanihgonra.

5 Iken rononha ne neh iken ne tyoyanenha ne onwahronneh ne ki radinihgonrareh jinahhotenshon nohwahronne ; nok rononha ne neh iken ne tyoyanenha ne Kanihgonra ne ki jinahotenshon ne Kanikon ra.

6 Iken ne ohwahronne yehnikonrarahtye neh ikenh ne kenheyon : nok ne kanihgonra adonnikronraratshera ne iken ne yonhe neony skennonh.

7 Ne wahhonny ne owahronneh adennihkonraratshera neh iken ne roshonhs ne Niyoh : iken yah thiyeyodadatkahwen jinonka ne Niyoh ra-o-tyawenratsera, ne tenskenh ne a-ontoh token-ske ennayawenne :

8 Eh kady nyoht ne rononha ne neh iken ne ohwaronne yah thahadigwehny aondahhonwah-nigonrayerihte ne Niyoh.

9 Nok yah ne jonka ohwahronne dejacatenronh nok onahgon ne Kanihgonra, dohka ne Ra-onigonra ne Niyoh enhodatenronh jonhatserahgon, nonwa dohka

onhkaoh yah dehhoyen ne raonikonra ne Christ, yah ki raonhageh dehayadarehgwonh.

10 Nok dohka Christ enhenterondake ne jonhatserahgon, ne oyeronda yawenheyonh tyoriwa ne karihwaneron ; nok ne kanigonra yonke tyoriwa naderihwagwarihsyontsera.

11 Nok dohka ne Ra-onihgonra ne raonha ne shoketsgwen neh Jesus ne kenheyatyne enhonderondakeh ne schonhatserahgon, raonha ne shoketsgwen ne Christ ne kenheyatne ony ensronhete ne kenhehyons sewayerondaogon entkayenhdahgwe ne Raonihgonra ne ronderon jonhatseragon.

12 Ne kady karihhonny dewadadekenogonhah, yongwatkarote, yah jinonka nowaronne, na-e-tyonhegeh tyoyanenha nowahronne,

13 Iken dohka enjonhegeh tyoyanenha nowahronne ensewenheyeh ; nok dohka ne jonha a-o-rihhonnyat ne kanigonra ensewahdonte na-o-deweyennaogon nowaronne enjonhekeh.

14 Iken jinihkon ne neh ronasharihne ne Raonigonra ne Niyoh, ne ki shakoyenogonhah ne Niyoh ne rononha.

15 Iken yah neh desewayehnaonh ne jonha ne kanigonra ne kanaskonnihs ahre jinonka ne kahteronksera ; nok ne sewayenaon ne kanihgonra ne kakshadaogon jikahnakte, eh nit yorihwa endewadewennaketsko, Abba, Ranihha.

16 Ne Kanihgonra yadekayady kahawe ne karihwahnihrhatsere enskahne nongwanikonra

ji ne ikenh ne ongyonha ne Niyoh raokshadahogon ;

17 Neony dohka kady eks-haogonhah ikenh, nen ki yongwayendatserayen : yongwayendaon ne Niyohne, neony skahne yongwayendaserayon ne Christ: dohka ehnenyawenneh endewaronyahgon enskahne neraonhe, enskahne ki ony endewayehna ne onwesentsera.

18 Iken neh enkahratste ne karonyakensera ne ken wathahwy yah eh tetyotteh ne neh dayeron ne onwesentsera nonwahdodahsy nongyonhatserahkon.

19 Iken ne tyotkondahgwen ji yohrhareh ne kayahdisson kahnonhne ne raonadodahsyatsera ne Niyoh shakoyenogonhah.

20 Iken ne kayahdisson neh yodonh ne yowenniyoh jinonka ne ok thiyeyonowentoh, yah aonha eh detkanonwes, nok neh thoriwa ne raonha ne neh ronnyahton ne yah dewadadewenniyo, karharatseragon ikenh.

21 Neh wahhonny ne kayahdisson ensewatneronhsy nyadekady ji kanahskwah ikenh jinonwe ne yohhetkenh jinonka ne onwesentsera raonahdadedwedayotsera ne raokshadaogon ne Niyoh.

22 Iken yongwaderyendare wahgwekon ne kahyahdisson yononhshehnha neony yodironyagon kanonwahtenserahkon enskahne jiniyoreh nonwa.

23 Neony yah ononha ok dehkong, nok skegon ony nonkyonha, nyongwahyen ne tyotyeronhton yeyoyahniyente ne Kanihgonra,

ongyonha ony yadedewayahdishon yonkyonshenha nonkyonhatseragon, dewahnonhne jinahhoton yongwayendahonk, ne wahhv ne aotneronsyatsera ne ongwayerondah.

24 Iken karharatseragon ji jonkhiyahdakwen: nok karharatsera ne nen deyekanerah yah ne karharatsera dehken: iken nahhoton ne rongwe dehhakanere ohnenne kady ji shegon rorhare?

25 Nok dohka yongwarhareh nahhohton ne yah thadedewahganereh, kanikonkatstenseragon ky endewennonah.

26 Eh ony nityotyerahton ne Kanihgonra ony shongwayenawaseh nongwayadanetskhatserakon: iken yah deyongwater-yendare nahhoton a-e-dewateronnayendahgwe jinonga ne aondakayerike: nok yadehayahty ne Kanihgonra shongwayenawahse ikeneh a-onshenatsera ne yah thaonton aondatihhageh.

27 Neony raonha ne rakaenyonhs ne awerihhohon roderyendare nahhoton ne raodennihkonraratshera ne Kanihgonra, ne wahhony ji shagoyohense ne rodiyahdadokenty tyoyanenha jinithanonwes ne Niyoh.

Nok yongwaderyendare agwekon jinahhohtenshon yoyanereh yotyoteh enskahne, ne rononhageh ne ronwanoronkwa ne Niyoh, rononhageh ne karonyonharonh tyoyanenha ne ji nithohson.

29 Iken rononha ne o-hendonh deshakoyendehry o-hendonh ki ony deshakoyadarakwen ne neh

donskontyehron ji nihayahdoh-ton ne Royenhah, ne kahdy ne raonha ne neh enkonhhageh ne tyotyeronhton ronakerah-ton raodinenrahgon ne yawehdowahnon wadadekenserahke.

30 Neony ne rononha ne ohendonh deshagoyadarakwen, rononha ony washakoronyonhareh: neony rononha ne washakoronyonhareh, rononha ony sahshakorihwagwarihsyatton: neony rononha ne sashakorihwagwarihsyatton, rononha ony washakaonwesahte.

31 Nahhoton kady endewenron kenigonh ji nahhotenshon? dohka Niyoh dehshongwadaseonkah enhagweny enshongwat, ontonh?

32 Raonha ne yah dehononhstahton ne yahdehayady royenhah, nok yahhotkawe ne onkyonha yedewagwekon ongwarihwakeh, ohnayawen kady ne yah enskahne ony ne raonha ok skennonh thashongyon agwekon ji nahhotenshon?

33 Onka enthahaweh ne kandonkaksara ji nonka ne Niyoh shakoyahdarakwen? Niyoh seh sehshakorihwagwarihsyattonnihs:

34 Onka ne raonha ne radewendetha? Christ naah ne rawenheyonh, hen senha issinonwe, ji shotketsgwen ahre, raonha ony eh rodatenron ji raweyendehdahgwen rasnonke neh Niyoh, raonha ony dehshongwadahse ne ongyonha.

35 Onka denjonkhikhahsy ji wahde ne ra-onoronkwatsera ne Christ? karonhyakensera kenh,

netens deyoderihhorarak, netens karihwayesahton, netens nadonhkaryakonh, netens kahwaseron, netens ji deyoderyentharah, netens nasharehkowa ?

36 Dyoyanenha ji kahyahton, tyoriwa niseh yonkhiryohs ehni-agwekon : neh yongwadahratsdahgwen jiniyoht ne deyodihnakarondonhah ne enkaryohakeh.

37 Yahten, ne agwekon kenikonh jinahotenshonh ongyonha ne senha issi nonwe jiniyoht ne ronadenshennyon ra-o-rihhonyat ne raonhane shongwanor nkwa.

38 Iken orihwiyo wakadonseh ji yah ne kaok nikayen ne kenheyon, netens yonhe, netens kondironyahkehranon, netens jikarihwakanonnyanyonh, netens kashatstonseraokon, netens jinahhotenshon nonwa wade, netens jinahhotenshon ne dahwe.

39 Netens jinityotde, netens jinikahtens, netens nothenon thikahte ne kayadisson, thakagwehny ne daonsayonkwakhahsy ne raonoronkwatsera ne Niyoh, ne eh yodatenron Keristus Yesus-tserahton Shongwayaner.

CHAPTER IX.

Wagadady ne tokensketsera Keristus-tseragon, yah thakennowonte, agwatdokatserakon ony wakerihwanirahtih Ronikonriyosdonke.

2 Thoiken kowahnon yohwishat neony dyotgondahgwen ohnikonhrakshadahne ne agweryane.

3 Iken wakgwennyon ne denwahgadonwenjoseh he iih yade-

kyady aondewentehton da onsakakhahsyon ne Christ neh raodirihwakeh ne kadadehgonogonhah yakwadatenongweh tyoyanenha nohwahronne :

4 Neh ikenh ne Israelites ; rononhageh aowenk ji kanakte ne ekshaogonhah, neony nonwesentsera, naderihwisa-atseraogon neony jiwatkawenh ne law neony ne ji enkayodenh, neony ne karharatseraogon :

5 Raonawenk ne kanihseraokon, rononhageh ony tyoyanenha ne ohwahronneh ne Christ, raonha ehnekenh rodohetsdahgwen nagwekon, Niyoh ronendont jiniyenhenwe. Amen.

6 Yahten ne jiniyoht ne raowna ne Niyoh nya thayorihhondaon. iken yah dewagwekon ne ehradiyadehkwen ne Israel, neh dehken ne Israel :

7 Netens ji ne wahhonny ji Abraham ra-o-wenk ne kahnenh ne ken iken agwekon neh ne ekshaokonhah : nok raonhakeh ne Isaac ne sawenk ne kahnenh jienkaronyenhahron.

8 Kenikonh wahhy, rononha ne a-okshada ne ohwaronne, yah nok neh ne ekshaokonhah ne karharatsera neh wahratston ne kahnen. (Seed.)

9 Iken kenikonh ohwenna neh ne karharatsera, tyoyanenha ke-rononhadekon ne raokshada ne Niyoh : kenh wathahwy Iih entkeh, ne ony Sarah enyakokshadayendane rongwe.

10 Neony yah ne ok dehkun ; nok Rebecca yoyehnahon tyoyendahkwen ne erska, ne shahayadat ne Isaac etshidewahnihha ;

11 (Iken ne ekshaogonhah ar-ekho shihonnonheh neony yah othenon dehbonatyeron nyoyanereh netens ne wahhetkon, neh kady ne ji nithohson ne Niyoh tyoyanenha ji karakwenh dahkadaneh, yah ne kayohten-seraogon, nok raonhageh ne raronyenah ;)

12 Wadahdy ne aka-onhageh, ne thakowanen enhoyhtonseh ne nithoyenah.

13 Dyoyanenha ne ji kahyhton, Jacob rihnoronkwa, nok Esau rihswenh.

14 Nahhoten kady endeworon? othenon ken yah deyoderihwagwarihsyon jinonka ne Niyoh? dohsa ehnyohton.

15 Iken rahwen raonhakeh ne Moses, enkodahsy ne enniden-rehsa ne onkageh nenhitenreh, neony enkodahsy ne kentenrat ne raonkageh ne wahhitenreh.

16 Yah dady raonkakeh dehkone ne ji ok naondahhanonweneh, netens ne raonha radakheh, nok Niyoh ne enrodahsy ne kentenrat.

17 Iken ne kahyadonseradokenty wahton ne raonhageh ne Pharoh, iken ne ne ken nakwa ne tyoriwakongowanahon, thoiken nakodahsy nakeshatstensea ne iseh-keh, neony thoiken ne akshonnah aonderihhowanahate onwenjagwekon.

18 Ne kady wahhony raonha jinentrehre ne onka nenshako-tenre, neony raonha onhonnonhton onkageh enhahnirahte.

19 Onsihron nenneh jinonka ne iih, ohniotyeron ji shekon enharihwatsheny? iken onka

radoryaneronny ne jinithanonwes?

20 Yah, nok O ronkweh, onka ne iseh naondatserihwaserahgwen ne Niyoh? neh ken ne kahson a-hawenhase ne rohson, ohniotyeron ji ehniyoht ji waskyatissah?

21 Kentenskayen yah ken ne ratshehdonny dehhoshatstense-rayon jinonka nonawatsda, ne ok neshaka ahronnyadeh enska nene yerakwa jinonka ne yotkonnyons, neony ne thikahte jinonka ne yah deyotkonnyons?

22 Neony dohka ne Niyoh, enrehre rodahsy ne raonakwensera neony enrohdahsy ne raoshatstensea, wahhadahkatsdadeh ikene ne ehso kanikonkats-tensea jinonka ne yerakwa, ne kanakwensera ne ok tkayery ne onwahdondonhageh:

23 Neony nahrodahsy ji niwattshokowa tsera ne raonwehsentsera jinonka ne yerakwa ne kentohenrat, ne endonh neh thogwada gwahton ne onwesentsera.

24 Ongyonha ji shongwaronhyonharon, yah neok dehkone ne raodinenrakon ne Jews, nok ony raodinenrakon ne Gentiles?

25 Jiniyoht ji rahton netho Hosea, ne enkhenahongwe ne yah dewakongwehda Iih a-kongweda; neony ne yah kanoronkwatserakon dehkone, kanoronkwatserahkon ikenh.

26 Neony ehnenyahwenne, jinonwe nihwa wadahdy ne rononhageh, yah Iih dewakongweda ne jonha: etho nonwe ne rononha ne enkanahdongwen ne ronhe Niyoh shakoyenogonhah.

27 Nok Esaias rawennoteh a-o-riwakeh ne Israel, Shegon ne Israel eh nahhadihhageh jiniyot ohnehsaronkwa ne kanyadarakkeh, yodatenron ky ne enshonwadiyadakoh :

28 Iken yenhahsa ne kayoh-tensera, aderihwagwarihsyontserahkon ji ken nenrontstonbah: ne wabhony ne Royaner ji niyensha onronnyadeh ne kayodensera ji ken niyenhayere ne ji yonwenjahteh.

29 Neony tyoyanenha ne Esaias ohendonh thawenh, dohka yah ne Royaner ne kentyokowanenogon, thashonkwenrahse ne kahnen, (seed), eh ki naya-wen nonkyonha jiniyoht ne Sodom, neony neh ayonkwadon deskyatyeron ne Gomorrha.

30 Nahhoten kady endewenron ? thoiken ne Gentiles ne yah dehonesahkon naderihwagwarihsyontsera, yohhonneweh jinonka naderihwagwarihsyontsera, ne aderihwagwarihsyontsera ne ehtyoyendahkwen dewehdahkontserahkon.

31 Nok Israel wahhadihnonderatyeteh tyoyanenha ne law aoderihwagwarihsyontsera, yah thiyehohty jinonka ne law-a-oderihwagwarihsyontsera.

32 Ohniotyeron ? ne wahnony ji yah dewehdahkontseragon dehken, nok jinonka naoyodenseraokon ne law, iken eh wabhodinhihton thoiken ne ononyah ne kanhitsera.

33 Jiniyoht ji kahyahton, jatkatho, eh ongyon etho Sion ne onenyah ne kanhitsera neony otstetra ne kanhitha; neony

raonka ne thawehdahkon ne raonhageh yah thahadehkon.

CHAPTER X.

Dewadadekonogonhah ji nadedewakadonwonjony nakweryaneh neony ji kerihwanontonhs ne. Niyohne ne ra-o-dirihwakeh ne Israel ne neh kayadanonstatsera.

2 Iken Iih onkerihwahnihradeh ne rononhageh ji ronaststenyaron jinonka ne Niyoh-ne, nok yah ky detyoyanenha naderyendaratsera.

3 Iken yah dehhonaderyendare ne ra-o-derihwagwariksyontsera ne Niyoh, neony ronnehaks nahhadiketsko nyadehhadiyahty ra-o-naderihwagwarihsyontsera, yah thiyehhonadadatkawen ne raoderihwagwarihsyontserakon ne Niyoh.

4 Iken Christ neh ikenh jiyo-dokteh ne law a-o-riwahkeh naderihwagwarihsyontsera jiniyadehkon ne dyakawehdahkon.

5 Iken Moses rawehneston jiniotyerahton naderihwagwarihsyontsera jinonka ne law, ne ne rongwe ne eh nonhayereh thoiken ji nahhotenshon eh ky enhronhekeh.

6 Nok ne aderihwagwarihsyontsera ne dewehdahkon keniotyeratton ji yothare, dohsa ne seryaneh ahsihron, onhka ahatharadate karonyahkon ? nene da-ondahhoyahdatsnente ne Christ.

7 Kentenskayon, onhka yahhatsnente ne onahkon ? neneh

daondahhoketsko ne Christ ne kenheyatne :

8 Nok nahhoten wahtonh ? ne ohwenna akta ne isehke yodatenron jitshakaronte neony seryaneh : ne wahhy ne ohwenna ne dewehdahkon ne yakwarihho-wanatha :

9 Thoiken dohka jitshakaronte ensadonderene ne Royaner Yesus, neony seryaneh ji endes-ehdahgweh thoiken ne Niyoh ji shoketsgwen ne kenheyatneh enjesayahdako.

10 Iken ne ikene ne a-wery ne rongwe entrehdahkwen jinonka naderihwagwarihsyontsera ne ony ikene jirahsakaronte adonderetsera wahronny jinonka ne kayahdanonsdatsera.

11 Iken ne kahyadonseradokenty wahton, onka kiok thawehdahkon ne raonhageh yah thahhadehkon.

12 Iken yah othenon thadek-yatdihhon ne Jew neony ne Greek : ikenh ok ne shahayadah Royaner ehne kon rodohetsdahgwen nagwekon rotshokowa jinonha nagwekon ne rononhakeh ne radironyenha ne raonhakeh.

13 Iken agwekon onka kiok enharonyonhare ne raosennah ne Royaner enshonwayahdakoh.

14 Ohnayawenh kady nahhadironyenha ne raonhageh ne yah dethonwehdahkon ? neony oh nahhadiyereh ne aondahhonnehdahgwe ne raonhakeh ne yah dehhonwahronkon ? neony ohnayawen nahhonwaronke ne yah ne raderihwanohnton ?

15 Neony ohnayawen nahhonderihwanohnton, tohka yah thi-

yehhonwanadennyehnton ? tyoyanenha ki ji kahyahton, ahnyoh yorahseh ne ronsihke ne radihhawy nadonharah natroryah ne skennonh, thoiken radihhawy natroryah nyotonhara ne yoyanere jinahhotenshon !

16 Nok yah agwekon dehhonadewennrahkwen norihwado-kenty. Iken Esaias rahtonh, Sayaner, onkah dahhonnehdahkweh ne ongwatrorya ?

17 Eh kady niyoht eh nenteweh ne dewehdahkon ji enyonronke, neony ne enyonronke entkayendahgwe ne Niyoh ra-owenna.

18 Nok wahkiron, yah ken tehonahronkon ? hen orihwiyoh, ne raodiwenna yohdentyon jinonka nagwekon jiyonwenjadeh, neony ne ra-o-diwennaakon jinonka yeyodokdanihhon jiyonwenjahteh.

19 Nok wahkiron, yah ken ne Israel dehhonaderyendareh ? tyotyeronton, Moses rahdon, engyoryaneron ne jonha na-e-sewadonnosha jinonka ne yah neh dehkon ne rononwenjade, ne enkatsteh ne rononwenjahte nya dehhodikonrayendahs ji ongwanaahkonny ne jonha.

20 Nok Esaias rodakarihte neony rahton, wahhonkyadats-henry ne rononha ne yah dehonkyadissahkon ; wakadodahsyon ne rononhageh ne yah dehadirihwanontonh ne Iihne.

21 Nok ne rononhakeh ne Israel rahton, wehnisseragwekon yewakonnontshaketsgwen rononhageh ne ronadewennontyon

neony ronwadoryahneronny ron-nonkwehokon.

CHAPTER XI.

WAHKIRON kady, issy ken ne Niyoh yeshakoyahdonyon ne raongweda? tohsa ehna-yohton. IkenIih ony ne Israelite, jiwahde ne Abraham raonon (seed,) jirononwenjade ne Benjamin.

2 Niyoh yah issy thiyeshagoyahdonyon ne raonkweda onendon, thoderyendare, yah ken de-jaderyendareh nahhoton wahdon ne kahyadonseradokenty aorihwakeh ne Elias? jiniyoht jiyahhadahdy ne Niyohne nahhontkontonh ne Israel.

3 Sayaner washakodiryoh ne songweda yehhadiriwakens, wahhondahgwateh ne sawenh jiyonneyahdahkwa: neony Iih ok sewakadatenron, neony ronneh-saks nahhongwahdonte.

4 Nok nahhoton wahhenron ne Niyoh ji wahharihwaserahko ne raonhageh? wakadatyenny ne yadekyahy jahdah niwennyawe-etsherahshon niyongwedakeh, ne yah thatehonwadontshodany ne Baal.

5 Eh kahdy niyoht nonwa ne ken wathahwy ony ronadatenron tyoyanenha ji ronwadihyadarakwen ne kentenratserakon.

6 Nok dohka kentenratserakon ji nityotyerahton, yah ki oyah ne kayohtensera; nok dohka oyah naodayotyerahton kentenrat ky yah oyah ne deskon ne kentenrat. (Nok dohka kayohtensera onkenhageh, yah

ki oyah ne deskon ne kentenrat; oyah naondontyerahte kayohtenhsera ki yah oyah ne deskon ne kayohtenhsera.)

7 Nahhoten kahdy? thoiken ne Israel rehsaks yah dehhots-honryon; nok ne ronwadihyadarakwen wahhaditshenry, neony ne otyakeh wahhoneryahsahnihrahne.

8 Tyoyanenha jiniyoht jikah-yaton, Niyoh deshakowy ne kani-gonra ne oserenhda ne rononha, ohkahraokon ne yah thaontkatho, neony ohondaokon ne yah thaonhronkeh, shekon ji niyohreh ne kenwehniserahde.

9 Neony David rahton, kinyoh ne raonadekwara ne kenhak ne dewaskote, neony yerisdayendakwa, neony ne kanhitha, neony wahhonerihwahseragwen ne rononha:

10 Kinyoh ne radikahrahgeh tyokaraon kenhak, ne katy ne yah thahontkatho, neony dents-hahkete ne radishonneh ok tyot-kondahgwen,

11 Wahkiron kahdy, wahhod-inhihton ken ne kahdy naondah-hadiyahtonneh? dohsaehnayoh-ton: nok dakayendahgweh ji dahhadiyahtenne kayadanons-datsera onweh ne rononhageh ne Gentiles nahhonorryaneron nahhontennosha.

12 Nok dohka ji dahhadiyahtonneh neh a-otshokowatsera ne ji yonwenjahte, neony ji wahhonahtonse ne ra-o-natshokowatsera ne Gentiles: dohkady niyoreh senha ne nen enskahnahne ne rononhageh?

13 Nok jonhageh yewakthareh

Gentiles: nene ji ehniyoreh ji neh wakadonh ne Apostle jinonka ne Gentiles, enk-kowanahte ji wakaderihhonte.

14 Ne dohka ka ok naondak-gerahte akheyoryaneron jinonka nahhondonnosha ne rononha nakewahron, neony otyake aonsak-loyahdako ne rononha.

15 Iken dohka ji issy yahhoni wadiyahdonty karihwaseseryonnyatsera onton ne aonhageh ne ji yohwenjateh, dohkady ne niyenyahwenne ne nen enshonwadiyena, nok yonne tyoyendahgwen kenheyatne?

15 Iken dohka ne tyotyerontohh yohyadadokenty ji yohyanihyente, eh ki ony niyoht jinikontonwah: neony dohka ne ohtehrayoyahdadogenty, eh ki ony niyoht ji yonhahdontonh

17 Nok dohka otyake ne yonhahdonton yotyakon, neony ne iseh ne yohteronny ne olive, yahdewahsontere raodinenrakon ne rononha, neony skahne sewayadaraon ne ji yohterondeh neony ji niyohrehson ne olive karondah;

18 Dohsa sadatharahdat a-oriwa ji eh yonhahdonton, nok dohka ensadatharadate, yah iseh deshawe ne ohtehra, nok ne nohtehra kahhawe ne iseh.

19 Enhsiron kahcy, jiyonhahdonton yotyakon, ne katy ne lih eh daonsonsonderakeh.

20 Tkayery; neh wahonny ji yah dethonehdahkon a-oriwa kayahkon, neony ne iseh dewehdahkwentserakon jiihseteh, dohsa ehnekon tyotdek jisonnontonyonhek, nok setshahnishkek:

21 Iken dohka ne Niyoh yah

dehhononstahton ne ok shiyonhahdonton, satonnikonrarenh onwa ohniseh yah thahyayahdanonstate.

22 Jatkatho kady ne ji nihhoyanere neony ji nihhoshatste ne Niyoh; wahkahranerononhake ne thodiyahdontonh yoshatste; nok ne isehke Niyoh jinihhoyanereh wahkahrane, ne dohka entehskonton etho jinihhoyanere; dohka yah iseh ony onkayakonhakeh.

23 Neony rononha ony, dohka yah thaondahhadikontonh ji yah dethonehdahkwen, densewahsonderakehky, iken ne Niyoh rokwenyon ne denshahsonteron.

24 Iken dohka ne jonha eh tkayahkon ji shaoyerah yohderonny olive karonda, neony yah deyoyanenha ne shaoyerah ji eh dewahsondere jinonka ne karon-diyo olive karonda: doh kady nihkon senha ne kenikonh ne ne shayoerah aonhahdeogon eh densewahsonterake jinonka ne rononha raonawenk olive karonda?

35 Iken yah eh tha-akyere, dewadadekonogonhah, naondesewahkarasheke kenikon yoderihwahsehton, onwa nenne enjatkohageh nyadesniyahty jonnontonnyohtserakon, thoiken otyake wathadironweke ne Israel, ji niyoreh ne kahnahnon raonahwen ne Gentiles entewadaweyate;

26 Neony agwekon ne Israel enshonwadiyahdakoh: tyoyanenha ky ji kahyahton, Sion enthayenhdahgwe ne sheshagoyahdakwahs: neony ehron enhahahwihte ne raonhageh ne Jacob

ne yah deyoderihwagwarihsyon :

27 Neony ne ne ken nagwaderihwisa-atsera ne rononhakeh, ne nen ehron enkhawihte ne raodirihwanera-aksera.

28 Ne aorihwakeh ne karihwiyo atrorya, radiswens tyoriwa ne jonha: nok ne aorihwahkeh ne jikayahdarakwen, ronwadinoronkwa kahnihseraokon tyoriwa :

29 Iken ne raodadahwiokkon neony ji roronyenharon ne Niyoh yah deyoyen ne daonsakakarhatennyon.

30 Iken ne jonha ne yodohetston wathahwy sewadewennonnyon ne Niyohne, nok nonwa sewayehnaon ne ennitenrehtsera aoriwa ji yah dethonehdahkon.

31 Eh kady ony ne niyoht ne rononha ne onwa ronadewennonnyon, thoiken aondakayenhdagwe ne ennitenrehtsera wesewayehna rononha ony ahadiyena ne ennitenrehtsera.

32 Iken ne Niyoh wahhanhoten agwekon ok enskahne ji yah dethonehdahgwen, ne kady ne ashakotenreh jinonka ne ok yewakwegon.

33 O neh jinikahtens natshokowatsera neony kanikonrowanentsera neony aderyendaratsera ne Niyohne! ahnyoh yah thiye-yohhet ne raoyadoretseraokon, neony ji rohhatennyon yah thanton yayeheweh!

34 Iken onka roderyendare ne raonontonyontsera ne Royaner! netens ne onhka dehonwayahdorehdaseh?

35 Netens ne onka thohwy tyotyerontonh ne raonha, neony

a - onsahhoderihwaserakwen ne raonha?

36 Iken raonhageh, neony raonha raorihhonyat, neony ne raonhageh, neh iken nagwekon ji nahhotenshon: ne raonhageh kenhak ne onwesentsera ji niyenhenwe. Amen.

CHAPTER XII.

WAHG WEN NITENTON kady dewadadekonogonaha a-orihwa ne raonitenrehtseraokon ne Niyoh, ne ya-ehjatkawo sewayerondaokon yonke weneyahdahkwen, yoyadadokenty, yaweryentiyoh ne Niyohne, ne ne tkayery sewayotensera.

2 Neony yah eh thonjisewayahdarehgwen ne kenji yonwenjahte, nok dejottennyonhak ne jonka a-o-riwa ji ahseh jodohn ne sewanikonra, ne kady ne orihwiyoh a-e-sehnonny ji nahhoten ne yoyanereh neony yoyenat neony kanahnon jinithanonwes ne Niyoh.

3 Iken wahkiron, tyoyanenha ne kentenrat watkawenh ne lihne, ne ji niyahdejongwehdakeh ne sewanenrakon ne jonha, ne dohsa senha ehneken ji ahennontonyonheke ji seh niyoht ji ahennontonyonheke; nok attokhatserakon ji enhonnontonyonhekeh, ji niyoht ne Niyoh ji dehhorihhonteh ji niyahdeyongwedake ji ensnihtyotdeh ne dewehdahgwen.

4 Iken ji niyoht ne skayerondat yawehdowanen yongwayen ne yonaterihhonton, nok ne yonaterihhonton yah agwekon neh

shakat dehken jinonwe niyona-terihhonteh :

5 Eh kady niyoht nongyonha yonkwentyohkowanen, skayeron-dah ikenh ne Keristus-ne, neony deyongwaterihhondoh didewan-yenhokenseron ;

6 Neony dewahhawehe adada wiokon dekonttindhanyon, tyoyanenha ne kentenrat yonhiyawy nonkyonha, dohka ne neh ji yenkarihwakenhageh, kinyoh yedewarihwaken tyoyanenha jinihwa ne dewehdahkwen.

7 Ony ji enkarihwayohten, kinyoh yongwarihwayohton : ony ne shakorihhonnyony shakorihhonnyon :

8 Ony ne rahrejahrens, shakorejaron : raonha ne enshakahonh ehniyhayer rotyesenhak : raonha ne enharihwaganonny, atstenyarontseragonh kenhak : raonha ne onhrodahsy ne ennitentretsera, ronikonketsgwenhak.

9 Kinyoh ne kanoronkwatserahkon dohse desehwanikonrahserhak ; seniswenshek ne wahetkon ; yajaderanendakt thoiken jinonka ne yoyanereh :

10 Ne a-dadekenserah a-dadenoronk, kawennarohtontserahkon dekanoronk dih-sewanyenhokenseron : ne atkonnyenstahtsera shayahdat ensyenhatkaweh jinonka ne thihachte ;

11 Ne ji sewaderihwatennyon, yah thonsewendorhake ne kanihkonraenyodahkarihteke, enjhise-wayotonseheke ne Royaner ;

12 Ne karharatserahkon, enjadonharake ; ensewanikonkatsteke ne nen karonyakenserahkon, ontisewakondakwen.

13 Enyetshiyakhonnih hekeh ji dehdonadonwenjony ne rodiyahdadokentiokon : onyetshiyadeweyendonshekeh ne deyakodawenryeh.

14 Yetshinenton ne enyetshirihwayesahte ne jonha sewanenton neony dohse sewadewenteht.

15 Jadonharon enskahne ne rononha ne ronadonhahereh : neony jatsdahron enskahne ne rontstarha :

16 Neh shakat kenhak ne sewennontonnyontsera disewahnyenhokonseron ; yah ne thae-jadonnikonraron ne ehnekon tyotteh jinahhotenshon, nok ehnonka jahdenty enskahne ne ehdahke ji nihhodinakdoten, dohse jatdokhak yahdeseniyahtitserahkon.

17 Tohse sasenirihwaserahkoh jinonka ne rongwe wahhetkon yada-a-keneh ne wahhetkon : ehjadaderoroks enyoderihwagwarihsyönhake akohendon nongwedagwekon.

18 Ne dohka yotonh, jinihkon ne isekeh yokarote, shennonhkonhak jinonka nongwedagwekon.

19 Tohse sahsenirihwaserahko, kwanoronkwas, nok jatka ji yonakte ne kanakwensera : iken ken niyoht ji kakyahton, ji enkarihwaserakwen lih agwawenk, ensek karyakeh rahdon ne Royaner.

20 Dohka kady ne yahswens enhadonkaryake, etshenont : dohka onhhonyadathon etsnekanont : iken ne ehnonnyereh onsihdon-yohton ojireh ne raononjineh.

21 Tohsa watenshenny ne wahhetkon ne jonhageh, nok sewashenny ne wahhetkon ne enjatste ne yoyanereh.

CHAPTER XIII.

KINYOH niyadewadonhetsherahke yahjadadonnon-tonhak jinonka ne enekon tyot-teh kashatstenseraokon. Iken yah dekayon ne kashatstensera nok ne Niyohneh : neony ne kashatstensera ne ikadeh Niyoh rocketsgwen.

2 Ne kady ne raonha ne enhadoryaneronhahse ne kashatstensera, wahhadoryahneronhahseh ki ne Niyoh rocketsgwen : neony ne rononha nonhondoryahneronhahseh enhhadiyena ne adewendetsera.

3 Iken ne radirihwakanonnihs yah ne dehkon ne yotteronk jinonka ne kayohtenseryoh, nok jinonka ne wahhetkon, dejadonwenjony kady ken ne yah thaesewatshanisheke ne kashatstensera ? eh nahjehr jinahhoten ne yoyanereh, neony ensyena kanontontsera eh entkayendahgweh:

4 Iken ne raonha Niyoh raonhatsera ne isekeh jinonka ne yoyanereh, nok dohka ne eh nonsyereh jinahhoten ne wahhetkon, sahterohn ; iken yah se ok oriwakon deken ji rahhaweh ne asharekowa : iken Niyoh raonhatsera, ne raonha, ne rarihwaserakwas kanakwensera raonhageh ne wahhetken nihhatyerha.

5 Neh wahhonny deyodonwenjohon ne yonjadadonnonton, yah neok detyoriwa ne kanakwensera,

nok ony tyorihwa ne jiyejattokatha.

6 Iken nene ken tyoriwa senikaryakony jiwaderakarhos: iken Niyoh raonhatseraokon ne rononha, tyotkon ensewanikonrarakkeh kenikonh a-o-rihwake.

7 Yahjatkaf agwekon ne raonahwenk ji yokarohtonh : ji waderahkarhos senikaryak ne rononhakeh de raonawenk ji yokaroteh : ji watwisdaroroks senikaryak rononhakeh ji yokaroteh; senitshanihshek ne onkakeh ji a-e-sewatshahnisheke; yetshikonnyonst ne raonawenk ne yotkonnyonst.

8. Tohsa onka yakarodanihak othenon, nok donjadadenoronkwake : iken ne ronoronkwa ne thihahde ronahnon ki ne law.

9 Kenikonh, tohsa kanahkwa ahserihwanerak. Tohsa asher-yoh, Tohsa ahsenonsko, Tohsa ah-senosha ; neony dohka oyah thikadeh ne karihwadatsera, ken niyensha jitkaroron kenikonh wadaty, etshenoronkwak ne dejononsanehkon ji niyoht ne Ise yadesyahty.

10 Kanoronkwatsera yah deyoyohteh ne yokarehwat jinonka ne dehyonnonsanehkon: kanoronkwatsera kady ji yodenahnonh ne law.

11 Neony thoiken, ja deryendareh ji wathahwy, thoiken nen yeyoheh ne ayongwayeonhageh: iken nonwa nonkwayahdanonstatsera nen senha akda jiniyoht shonededewehdahgweh.

12 Jiwasondahte inonh nen yodohetston, neh ji wehniserahste akta iweh kinyoh eron yonk-

watyet ne kayotenseraokon nah-sadakontsera, neony dewatyada-wiht ne deyonnyadatstha ne kaswathetsera.

13 Kinyoh yongwadentyonhaye yoweyenstonhak ji niyoht kenwendehkeh, yah ne jiyonoshat ayongwatennyodake neony kanonwarahtontserahkon, yah ne kanakdageh adonweshontsera, yah ne jiyonoshat okthiyayonkwaserahreston, yah ne dayongwaderihhodarhon neony ah-yethinosa.

14 Nok jatst ne Royaner Yesus Keristus, neony dohsa ohendon dajennontonnyen jinonka ne ohwahronneh ne a-e-senihnahne na-o noshatsera.

CHAPTER XIV.

RAONHA ne royadanetskha ne dewehdakhontserahkon etshisewayenah, yah ne daeseniyahdorehte jiniyehhonikonronhahs.

2 Shayada thawehdahkon ne enrakeh agwekon ji nahhotenshon: nok ne royahdanetska odonni-a-okonhah ihraks.

3 Kinyoh raonha ne ihraks dohsa akenronh raonny ne yah dehraks: neony kinyoh ne yah deraks dohsa dehhoyahdoret ne raonha ne ihraks: iken Niyoh royenaonh ne raonha.

4 Onha ne iseh ne datsyadorehte ne thihateh raonhatsera? raonhageh ne raoyanehda ji ihrateh netens ne enthayahteneh, nok ne ki enhonwayonny ne denhadaneh: iken ne Royaner rogwenyon ne denhadakeh.

5 Shayadat enhakowanahte sewehnisserah senha ji niyoht ne thikahte: thihateh enhakowanahte niyadewehnisserahkeh okshadeyoh. Kinyoh niyadeyongwedakeh kanahnon orihwiyo kenhak ne raonikonragonh

6 Raonha ne rawehnisserowanahnton, ne Royanerneh ki ji rokowanahnton: neony raonha ne yah dehhawehnisserowanahnton, ne Royanerneh yahdehhokowanahnton, raonha ne enrakeh, Royaner ne ki ji enrakeh, iken dehhononwerahtons ne Niyoh: neony raonha ne ne yah dehraks, ne Royanerne ki ji yah dehraks, neony dehhononwerahtons ne Niyoh.

7 Iken yah onka nonkyonhadehronhe jinonka ne yadehayahty, neony yah onka tharenheyeh jinonka ne yahdehayahty

8 Iken dejahron dohka entyonheke, ne Royaner-ne ki ji entyonheke: neony dohka endewenheyeh, ne Royaner-ne ki ji endewenheyeh: dejaron kady dohka entyonhekeh, neony dohka endewenheyeh, Royaner ki raowenk ne ongyonha.

9 Iken neh neken tyoriwa ne Christ ji rawenheyonh neony shronke ahre, ne kady ne raonha Royaner enkonhakeh dejaron ne yakonhenyon neony ne yakowendahan.

10 Nok ohniyotyeron ne ji dentsyahdorehte ne jadadekenha? neony ahre, obniyotyeron ji watshasthoteh ne jadadekhonhah! iken dewagwekon eh den-dewahdaneh ohhendoh ne ka-

jenhayentsera ji ronit skwarat-sherodeh ne Christ.

11 Iken jiniyoht ji kahyahdon Iih konhe, rahdon ne Royaner, ne Iihne agwekon donhyondont-shoten, neony niyahdewennah-sakeh onkondondereneh raon-hahke ne Niyoh.

12 Niyatehtyon kady endide-warihwaserahko yadedewayah-tishon jinonka ne Niyohne.

13 Ne kady wahhonny dohsa shegon oyah daonsedewadatya torehte; nok ken tenhnon kah-yen kenhak ne sewayadoretsera, ne dohsa yaejahty ne kanhitsera netens ne dahejaskohton jiroh-hahdeh ne jadadekonhah.

14 Wakaderyendare neony or-ihwiyoh wakadonseh ne raonhat-serahkon ne Royaner Yesus, thoi-ken yah othahoten ne yah thay-odenoharehakeh nyadekayahty: nok raonha ne othenon ne neh rohratston ne yah deyodenoh-areh ne raonhakeh ki ne ikenh ne yah doyodenohare.

15 Iken dohka nehne kahgonh tyoriwa ne jadadekonah wah-hohkarahron, yah shekon eh de-ja-dontyonhatyoh tyoyanenha ne kanoronkwatsera, dohsa etshah-dont ne raonha ne a-ahsatste ne sawenk kahken ne Christ rawenheyahseh.

16 Kinyoh dohsa ne jawenk ne yoyanereh wahhethon wah-datyadonhak.

17 Iken ne raoyanertsera ne Niyoh yah neh dehkone ne day-ontskahhonn neony a-yehnekir-ah, nok aderihwagwarihsyont-sera neony skennonh, neony ad-onharah ne Ronikonriyostonkeh.

18 Iken ne raonha ne ehnon-we nihhoyodenseh ne Christ ya-weryendiyoh ne Niyohne, ne-ony yoderihwahnirahton ne on-gwehokongeh.

19 Kinyoh kady dewahnon-deratyet jinahhotenshon nch ne entkahawe ne skennonh, neony jinahhotenshon ne a-etewatsteh nayongwayenawaseh didewany-ehokonseron.

20 Ne a-ondakarihonn ne kahkon dohsa sahdont ne raoyo-densera ne Niyoh, agwekon jin-ahhotenshon dokenske yodeno-hareh: nok wahhetken ky thoi-ken rongweh ne enrakeh kanhit-serakon.

21 Yoyanereh ne yah thae-dewakeh ne ohwahron, netens ne a-edewahnekira ne wine, ne-tens ne othenon jinahhoten ne jadadekonhah ahohnhihton, ne-tens ne a-hotswahton, netens nahhoyadanetskhateh

22 Sayen ken ne dewehdah-kon? sayendak nyadehsyahty raohenton ne Niyoh, rodaskats ne yah thahadadewendehdah-gweh jinahhoten ne kenniyen-hayereh.

23 Nok raonha ne ok yahdeh-honikonrakeh enhonwadewen-dehte dohka enrakeh; ne wah-honny ji yah dewehdahkont-serahkon dehkone: nok ohkiok nahhoten ne yah dewehdahkon dehkone karihwaneron.

CHAPTER XV.

ONGYONHA kahdy ne yon-wayahdahniroon aedewah-haweh seh ne raodiyahdanets-

khatsera ne rodiyahdanetskha, neony yah thaondayongwadadenikonrayerihton.

2 Kinyoh niyahdetyon thonikonhrayerit ne dehyonnonsanehkon jinonka ne raoyaneronsera jinahhoton ne a-hoyahdahniratste.

3 Iken Christ ony yah dethodatehnikonhrayerihton : noktyoyanenha jikahyahton, ne raodihkonnahdahkwatsera ne yesaknonahdahkwen Iihne wakarane.

4 Iken jinahhotenshon ne ohendonh tkayahton neh kahya-tonhgwen ne ongwarihhonyonnyatsera, ne aorihhonyat ne kanikonkatstensera neony jiyodakarihdatst ne kahyadonsera-dokenty ayonkwarharatserayendaneh.

5 Neony ne Niyoh ne kanigonkatstensera neony shakaonwesatha atshijon ne ehnaesewanikonrotenhageh dissewanyonhokenseron dyoyanenha Christ Jesus :

6 Nekady skarihwa akenhageh enska ji sewahsadahronton atshijonwehsahte ne Niyoh, neony Ronihka ne Shongwayaner Jesus Christ.

7 Ne kady aorihwa dejadat-yena ne jonha, jiniyoht ne Christ ony shongwayenahonh nonkyonka jinonka ne raonwesentsera ne Niyoh.

8 Iken wahhiron thoiken Christ ne rodonh ne kanhatsera ne jiyondyeronnitstha, neh aorihwahkeh ne raodokensketsera ne Niyoh, ne enharihwahniradeh ne karharatseraokon yonny rononhahkeh ne kahnihseraokon ;

9 Neony thoiken ne Gentiles ahonwayenwehsahte ne Niyoh

aorihwa ne raonitenrehtsera; dyoyanenha ji kahyahton, ne kenikonh dyorihwa onkadonkerehne ne Isekeh raodinenrakon ne Gentiles, neony denkerihwahgwe jinonka ne sahsonnah.

10 Neony ahre rahton, jahdonhahron jonha Gentiles enskahne ne raongweda.

11 Neony ahre, ethisewanentonh ne Royaner, sewagwekon Gentiles ; neony etshisewanentonh ne Raonha, agwehon ne jongwehokon.

12 Neony ahre, Isaiah rahton, onyodatenron ne ji yohderonde ne Jesse, neony raonha ne enhatketsko ne onharihwakanonny ne rononhageh ne Gentiles : ne raonhageh Gentiles eh enhodirharatsherayendaneh.

13 Neony ne Niyoh ne karharatsera a-hahnahne ne jonhahneh wagwekon ne a-donharah neony skennonh ne ji dissenehdahgwen, ne kady ne a-e-jatkahdahdon karharatsherakon, dyoyendahgwen Ronikonhriyostonke.

14 Nonwa orihwiyo wagadonseh, dewadadekonokonhah, Iih ony, ne aorihwahke ne jonha, thoiken yadessehninyahdish onh ony neh kananonh ne yoyanereh, kananonh agwekon naderyendaratsera, sewakwe-nyon ony ne densewadatrejaronhekeh.

15 Nok yekwayadonny sonha adakaridatsherahkon, dewadadehkonjonhah, othenon nityotyerahton, nene a-onsakwehyahrahkwen, neh wahhonny ne kentrat ne yonkwawy Niyohne tyoyendahkwen.

16 Ne kady ne raonhatsera ne

Christ Jesus onkenhageh ne iih rononhakeh ne Gentiles, wakerih-wayodatyeh ji niyohtronneyonhs raorihwadokentikeh ne Niyoh, neh kahdy ji yahhontkaweh ne Gentiles ayoye-nahtonhake, neh rayahdadokentihston ne Ronikonhradokenty.

17 Wakyen kady ne denkaderenhsaron ne Keristus Yesus-tserakon ne ji nahhotenshon ne neh aorihwake ne Niyohne.

18 Iken yah thakadenyenten ne akadahty othenon jinahotenshon ne yah Christ eh dehhohton iihne, ne akarihony ahondewonnarahkwe ne Gentiles, owonnakeh tyoyendahgwen neony adeweyonnah,

19 Kashatstenserahkon ne wadenyontensdagwanyon neony yotyanatenyon, kashatstenserakon ne Niyoh Raonikonra; ne kady eh dondahsawen Jerusalem neony deyohkwadahse jiniyohre ne Illyricum, kanahnon I wahkaderihwahnotonh ne raorihwadokonty ne Christ;

20 Henh, ehniyot ji wakreh ne onkaderihwanohton ne orihwadokenty, yah ne jinonwe ne Christ raosonna non kahheh, ne kady ne yak eh thak-ketsko jinonwe ne thihhahte raowenk jikakensereh:

21 Nok tyoyanenha ji kahyah-ton, ne rononha ne yah dehhonwadihrory aorihwahke ne Raonha, neh onhhonkatho neony rononha ne yah dehhonwahronkon, ne yonhodinikonrayondaneh.

22 Neh kenikent tyoriwa ony ehso yoderatston wakehnhinton-

ny ne aondahke ne jonhake.

23. Nok nowa yah shekon desewakehnakdoteh ne kentho. neony nen ehso yohserahkeh shadewakadonwonjony ne aondahke ne jonhakeh:

24 Kaok nonwe nonkonhatyeh nen Spain yonkeh: Iken wakerhahreh ne onkwahgon ne nen ehnonka niyohonkeh, dohka tyotyerontonh ken nahheh akahnahne enskahne ayonkwadatenre ne jonha.

25 Nok nonwa eh yonke Jerusalem, yenkheyenawahse ne rodiahdadokentokon.

26 Iken Macedonia neony Achiaia eh nondahhadinonweneh nashakodiyenawase ne yakodentenyon jondatyadakwen Jerusalem radinakere.

27 Eh nondahhoneryendiyo dokenske, neony ronwadikarodany ne rononha; iken dohka re Gentiles ehrodiyadaraon jinonka ne raonahwenk kanikonhrake jinahhotenshon, ne ky jaonsahhadirihwaserako ashakodiyenawaseh jinonka ne ohwahronneh ji nahhotenshon.

28 Neh kady ne nen onwakeweyonnondaon kenikonh, neony nen orihwiyo yonwakatkawen ne rononhageh kenikonh kahhik, dentke jonhakeh onkadohetsdeh nen Spain niyonhenke.

29 Neony wakaderyendareh thoiken, ne nen entke ne jonhageh; entke ne jiniKANANONH ne kayadaderitsera ne Keristus-ne.

30 Nonwa wagwenniten ton jonha, dewadadekonokonah ne raonhakeh ne Shongwaner Jesus Christ, ne ony entkayendagweh

ne kanoronkwatsera ne Kanikonra, ne a-ajakwison enskahne ne Iih ne askwaderonnayennike jinonka ne Niyohne;

31 Thoiken naonsakehnyakonneh ne rononhake ne yah dethonehdahkwen Judea radinakerih: ne ony ne kayodensera ne wakyen ne aonhaken ne Jerusalem ayoyenahdonhake rononhake ne rodiyadadokenty;

22 Ne kady ne aondahke jonhageh a-akeneh nadonharah aondakayendahkwe ne Niyoh jiniathanonwes, neony skahne ne jonha aonsakadakaridateh

33 Nonwa ne Niyoh ne skennonh sewagwekonhak ne jonha. Amen.

CHAPTER XVI.

IIH yakheyatkaweh jonhakeh ne ongwadonnosonha Phebe, neh ne atkonmissa-atsera aonhatsera netho Cenchrea:

2 Ne ayetshiyena nakaonha Royanerne dekenineronh jine ikonh ne rodiyadadokenty, neony ayetshiyenawaseh oh ki ok nahoton ji donyakodonwenjonihake ne jonhake: iken yakoyeawahseh yakotyohkowanonh, neony Iih ony.

3 Deyetshinonweron Prisca neony Aquilla skahne yonkwayoh-ton Keristus Yesustserakon:

4 Rononha neh aorihwa ne Iih ji konhe yayatkawe ne yahdehniyahty nihnyasahke: ne rononhageh yah Iih ok dekon ji dekadonnonhwerah-ton, ne ony agwekon ne ononsadokentiekon ne Gentile-habaa.

5 Neh tyoyanenhaf deyetshinonweron nononsadokenty netho raodinonsakon. Detshenonweron ne rinoronkwa Epaenetus, ne ne tyotyeronhton yohyondaonh netho Asia jinonka ne Christ.

6 Deyetshinonweron ne Mary neh ne ehso waontkaweh kayoh-tensera nonkyonhhakeh.

7 Deyetshinonweron Andronicus neony Junias, ongwadadenongweh, neony skahne yakwanaskwa, neh ne ehnekon thonatdahton raodinenrakon ne Apostles, neony rononha thonatyeronhton Keristus-ne niyadre jinihiyoht.

8 Detshenonweron Amplias neh ne rinoronkwa ne Royanerneh.

9 Detshenonweron Urbane, shongwayenawahse ne Keristus-ne. Neony Stachys neh rinoronkwa.

10 Detshenonweron Apelles, karihwanihraton raonhatserahkon ne Christ.

11 Detshenonweron Herodian, onkyadadenongweh. Deyetshinonweron ne raononhsakon ne Narcissus, nene Royanerne ronadatenronh.

12 Deyetshinonweron Tryphena neony Tryphosa, ne Royanerne rodiyoh-teh. Detshenonweron Persis neh ne dekanoron, neh ne royoh-tonh ne Royanerne.

13 Detshenonweron Rufus, ne karakwen Royanerne; neony ne ronistenha nok ony nihi.

14 Deyetshinonweron Asyncritus, Phlegon, Hermas, Patrobas, Hermas, neony ne adadekenserah ne skahne ronadatenron.

15 Detshenonweron Philologus, neony Julia Nereus, neony ne yadonnohsenha, neony Olympas, neony wagwekon ne rodiyadadokenty ne skahnə ronadatenron.

16 Dessewadadenonweron kayadadokentitserahkon dense wadatkwanyon. Agwekon ne raononsadokentiokon ne Christ watyetshinonweron ne jonha.

17 Nonwa wagwarihwanontonseh, dewadadekonokonha, yetshiyatonnikonraronh ne radityohkohwihhons neony kanhitseraokon yothaharakwen jiniyoht ne karikhonnyonnyatsera ne sewaweyendehdahon; neony kajadonek ne rononhahke.

18 Iken ne eh nihadiyadohton yah dehonwayohtenseh ne Shongwayaner Jesus Christ, ne ok ne yadehhadiyahty radinekwenda-keh; neony onhhontste kawennihyohs neony yoraseh adatyatseraokon enhshakodinikohrhah-ten ne niyakonikonra.

19 Iken ne jadewonnarakwatsera yahhonwe jinonka ne ok yeyongwedagwehkon, wahkadonhahron kady ne iseh sewarihwahke: nok neh dewakadonwenjony naejatdokhageh jinonka ne ji yoyahnere, neony yah othenon thaesewarihwayendake ne neh aorihwake ne wahhetkoh.

20 Neony ne Niyoh ne skennonh enhodakwaraseh ne Satan sewahsidokonh yosnoreh. Ne raotenrat Shongwayaner Jesus Christ sewakwekonhak ne jonka.

21 Timotheus ne skahne yon-

keniyohthonhs wadetshise wanonweron ne jonha, neony Lucius, neony jason, neony Sosipater onkwadadenonkweh.

22 Iih Tertius wakyahnton kenikonh kahyadonkwa, watkwanonhwerahnton ne Royanerne.

33 Gaius ne neh dehhaksnyeh neony ne wagwekonhne atkon-nissaatsera watyetshinonweron ne jonka. Erastus ne shakoderihwatsterisdahse ne kanahdakonh wadetshisewanonhweratonh ne jonha, neony Quartus onkwadadekonhah.

24 Neraotenrat Shongwayaner Jesus Christ sewagwekonhak ne jonha. Amen.

25 Nonwa ne raonhageh ne rokwenyon nentshisewayahdah-niradeh ne jonha tyoyanenha ne akerihwadokenty neony ji waderihwanoteh ne Yesus Keristus, tyoyanenha ji yoderihhodahsyon ne yoderihwasehton, nene yah dewatroy ji wathawinontyeh ne jiniyenhenweh.

26 Nohnonwa nen ok kennonwe thiyotonh, neony tyoyendahkwen ne kahyadonserahdokentike ne yehhadirihwakens, tyoyanenha ne raorihwadatsera ne jiniyenkenwe Niyoh. agwekon ne rononwenjadenyon rodidokenseh jinonka nadewennarakwatsera ne dewehdahgwen:

27 Ne raonhake ne neok yehkon kahnikonhrowanentsera Niyoh raorihhonnyat Jesus Christ: raonhakeh kenhak nonwesentsera jiniyenhenweh. Amen.

BNQ



C 000 284 743